

皇
明
詔
制

皇明詔赦卷九

奉

天承運

皇帝詔曰朕聞古者天子聽外治后聽內職是以內

外和順國家理治稱盛德焉朕茲誕膺

天命君臨萬方深惟王化之成宜資女士之助妃陳
氏受命

先皇配朕潛邸徽音克嗣坤道夙彰是用祇告

天地

宗廟

社稷以隆慶元年二月初九日冊立爲

皇后正位

中官共承

宗祀庶弘四海之化益開萬福之原播告中外咸
宜知悉

隆慶元年二月初九日

奉

天承運

皇帝詔曰自古帝王奉天于民思弘永世之圖莫不
崇建元良豫定儲貳所以隆國本而繫人心也
我

祖宗列聖造其績緒累洽重熙率由茲道朕荷

天之眷早錫胤祚長子

英資岐嶷睿質溫文仁

孝之德夙成中外之情允屬昨朕嗣登大寶文
武羣臣卽以建儲爲請朕以子年方在冲幼未

皇明詔

隆慶二年

二

之許也茲者禮官復稽

先朝彝典疏懇至於再三詢謀僉同理難終拒爰諏

吉旦祇告于

天地

宗廟

社稷授冊寶爲

皇太子上以奉

九廟神靈之統下以慰兆人翊戴之心盛禮旣成普

天同豫肆頒渥澤覃被多方所有寬恤事宜條

列于後

一各王府應得祿米有缺少者各該巡撫都御史督率所屬查催完納

一宗室子女請名請封選婚該府查勘明白遵照新頒奏格徑自奏請禮部查果無礙卽與題覆於內如有事體不明者方行巡按御史查勘其先前行查者詔書到日巡按御史作速勘報以便題覆長史教授等官如或刁蹬故違稽錯該部查出叅奏治

罪

各處親郡王及將軍中尉等如有謹身修行樂善好學孝親敬長悖宗睦族足以勵世者許各撫按官具實奏聞獎勵

一 累朝及見在公主所出子孫有志向學者許磨一子入監讀書

一天下祀典神祇所以保庇生民有司務在誠敬以奉祭祀壇廟遇有損壞卽時修理毋致褻慢其各處帝王陵寢及名臣賢士

墳墓有被人毀發者所在有司卽與修理
仍禁約不許樵採收放

一自隆慶二年三月十一日昧爽以前凡官
吏軍民有犯除真犯死罪十惡失機貪賊
酷刑及潛住京師窺探爲奸指名誣騙侵
欺一應錢糧俱不赦外其餘已發覺未發
覺已結正未結正咸赦除之敢有以赦前
告言者各以其罪罪之

浙江等處布政司并南北直隸府州縣隆

慶二年分秋糧除漕運四百萬石南京倉
糧各處屯糧起運一應京邊錢糧照舊徵
完起解外其餘各存留地方者但免十分
之三以甦民困隆慶元年以前年分起解
錢糧有侵欺事發者限三月以裏能完獲
批單俱與免罪照常釋放

一南北直隸浙江陝西河南山東山西輪班
匠價已徵在官者截數起解如有因貧難
拖欠者及順天河間二府有拖欠葦課者

各布政司南北直隸有拖欠年例磚價并
歲辦課鐵本色黃白蔴折色者查係嘉靖
四十五年以前俱與蠲免其或匠丁故絕
葦地被水衝沒無存所司仍與查勘的實
具奏除豁

一南直隸浙江原派藍靛槐花烏梅梔子紅
花等料已該工部召商買送織染局應用
今後都着免派不許有司重複科擾

一兩京文官一品至九品各給與應得誥敕

先已給領者與進本品勲階一等如品同而職銜不同照見任改給署職者仍與實授試御史試中書候實授之日各補給有願移封移贈者聽若先已移封移贈今給與本身及妻誥命在外二品以下七品以上方面有司官不分已未考滿但於本任內曾經總督撫按等官薦舉二次以上者亦與應得誥敕先已給領者於本品內進勲階一等

一兩京三品以上文官未及三年考滿者許
磨一子入監讀書

一文武官員五品以上致仕在家實年六十
以上者各進階一級二品以上致仕大臣
年八十以上者有司具奏存問其有不係
犯私罪爲民者與冠帶閑住閑住者與致
仕

一王府官年老願致仕者進散官一級其長
史歷任三年無過者給與應得誥命

一 各邊將領及各處軍職近因督撫巡按巡
開巡屯巡鹽等衙門陞遷任滿循例叅劾
數多屢屢更易以致人無固志墮廢職業
各官務要虛懷秉公於各將領軍職除失
事重大及貪酷異常者不時舉劾外其餘
管事未久無大過惡者宜存作養愛惜之
意不得苛責輕論兵部亦要酌量題覆以
服衆心其被叅題未結經薦用已立有功
者開具前後功罪輕重有無相當奏請定

奪不得一槩行題

一各邊將領等官有素著謀勇累立戰功偶失事革職閑住及充軍等項年力未衰者堪任使者詔書到日撫按科道官查訪疏名奏請定奪

一軍職官有因班軍運糧違限叅奏降級者不拘已未問結各該撫按官查開軍數糧數多少及所違限期久近分別奏請

一各處運糧官軍偶值風火等項損失官糧

非力所及者許陳告所在官司勘明具奏
儘其家產變賣賠補完足與免本罪

一各處武官襲職十年以上人文不到部例
不准襲但道路有遠近年力有少壯家道
有貧富一槩革襲不無有沒汗馬先勞兵
部即便查議定奪

一各處倉官及收糧攢典守候二年之上放
支至一千石以下者撫按卽委官查盤交
與見任官攢接管起送免其守支

一各處逃亡人戶情愿復業者俱免差役二
年里長不許勾擾其山東淮揚鳳陽等處
拋荒田土數多許諸人告官承種仍免糧
差五年之後方照常辦納各州縣有能招
撫流民復業及開墾荒田數多者撫按官
保薦擢用

一旌表義夫節婦孝子順孫所以勸勵風俗
近來各處有司視爲常事富者曲爲保勘
貧者終身不得何以勸善今後不論貧富

如果事實卽申呈巡按御史勘結奏聞以憑旌表所有敢有稽遲者罪之

一軍官旗軍將軍力士較尉舍人餘丁有爲事間發立功瞭哨除前欵所開不赦外其餘盡行放免復還職役例該帶俸差操者仍不許管軍管事中間有立功未滿病故者子孫准免減俸

一大漢將軍侍衛二年半以上者給與冠帶四年半以上者授試百戶將軍侍衛二十

年以上者亦俱冠帶榮身

一各處儒學生員有親老無人侍養願告侍親者聽親終復學其屢舉不第年五十以上願告退閑者許與衣巾終身仍免雜泛差役

一各處逃軍逃匠逃囚人等在京限一月以裏赴通政司在外限三月以裏赴所在官司具首與免其罪軍還原伍匠仍當匠民放寧家

一在京在外緝獲強盜妖言奸細等項多有貪功網利及無賴番役妄拿拷打誣陷重罪今後問刑衙門務要從實研審的確有冤抑卽與辦理毋致虧枉

一朝廷設立問刑衙門專爲雪理冤濫近來問刑官多有喜立聲名故爲深刻逞私挾讐誣陷良善又有一種奸民自知犯罪難免故意牽連干問人衆以致經年不決累死無辜之人今後在內在外問刑官務要

以矜恤存心使刑協乎中罪當其情毋得
文致煅煉以致冤抑如有以誣枉訴者務
與虛心審勘從公辨理其有接受詞訟除
強盜人命例應簡驗及田土例應踏勘俱
各照舊外其餘止許行提緊關人犯作速
問斷不許一槩拘禁

一凡政治得失軍民利病許諸人直言無隱
於戲震男王器益培萬載之丕基異命敷恩用
衍一人之大慶詔告中外咸使聞知

隆慶二年三月初九日

奉

天承運

皇帝詔曰朕以涼德纘奉

丕圖君主萬方於茲六載實夙夜兢兢圖惟化理
惟恐有孤

先帝付託乃今遘疾彌篤殆不能興夫生之有死如
晝之有夜自古聖賢其孰能免惟是繼體得人
神器有主朕卽棄世亦復何憾

皇太子翊鈞聰明仁孝令德天成宜嗣皇帝位其

恪守

祖宗成憲講學親賢節用愛人以綿

宗社無疆之祚内外文武羣臣協心輔佐共保靈長
斯朕志畢矣其喪禮悉遵

先帝遺制以日易月二十七日釋服母禁民間音樂
嫁娶宗室

親王藩屏是寄不可輒離本國各處鎮守總兵巡
撫等官及都布按三司官員嚴固封疆安撫軍
民不許擅離職守聞喪之日止於本處朝夕哭

臨三日進香遣官代行廣東廣西四川雲南貴
州各處布政司七品以下衙門俱免進香詔諭
中外咸使聞知

隆慶六年五月二十六日

奉

天承運

皇帝詔曰我國家光啓鴻圖傳緒萬世

祖宗列聖創守一心二百餘年重熙累洽我

皇考大行皇帝明哲作則恭儉守文虛已任賢勵精
圖治蓋臨馭六載而天下晏如四裔來賓兆人

蒙福方

燕詒之永賴遽

龍馭之上賓

皇明詔敕

卷八

聖訓

卷八

卷八

卷八

卷八

顧命眇躬屬以神器朕方旻旻在次不忍遽聞而文

武羣臣及軍民耆老人等合詞勸進至於再三

辭拒弗獲乃仰遵

遺詔俯順輿情於六月初十日祇告

天地

宗廟

社稷卽皇帝位朕以京德方在冲年惟

上帝之眷命孔殷

祖宗之基業至重兢兢夙夜懼不克堪尚賴文武親

賢共圖化理爰暨萬方黎庶與有嘉休其以明年爲萬曆元年與民更始所有合行事宜開列于後

一

祖宗成法至精至備所當萬世遵守近來有司不考憲度往往自作聰明任意更變其有稱爲祖宗成法者又多遷移出入殊非

祖宗立法本意致令事體紛紜軍民惶惑豈成治理
今後內外大小衙門官務要仰求

祖宗之意明考

成法一一遵行違者以變亂成法論其有從前更變者俱行查復若果係時宜不得不然許詳具事由奏請准允乃行

一自隆慶六年六月初十日昧爽以前官吏軍民人等所犯除死罪極惡情真及充軍係邊將失機喇唬兇徒積年聚衆投充投獻撥置教唆詐冒侵欺誣執良民威逼一家二命畧誘畧賣挾制騙害并近奉

欽依矜疑饒死充軍等項及口外爲民情罪深重者
俱不赦外若竊盜逃軍三犯投匿名文書
未及害人謀殺人傷而不死并人命延至
辜限外身死審有別因者悉免處死發邊
衛永遠充軍其饒死充軍逃回例該原擬
死罪者免死仍發原衛至於犯該死罪監
禁十五年以上篤疾者免死釋放其餘一
應充軍徒杖等犯不分已未遣配已發覺
未發覺已結正未結正罪無大小咸赦除

之敢有以赦前事相告言者以其罪罪之

一宗室節年因事減革祿糧者除敗倫傷化
姦盜人命重情外其餘詔書到日全革者
准支三分減去一分者准全支以資養贍

一宗室子女奏請名封選婚者近年每以過
期叅駁停閣或因錯誤行查立案積久多
致失所今後應奏請者該府卽與保勘具
奏承奉長史等官不許抑勒致令失期其
自隆慶六年六月初十日以前各王府有

曾經奏報請名請封及奉有勘合選婚各
過期者并節因錯誤行查覆回到部者該
部一體勘無違碍卽與題覆施行

一鳳陽高墻底人已故所遺子孫妻妾無罪
拘繫未及放回者撫按官卽與查明奏請
釋放其節年越闕赴京遍回拘禁閑宅者
一體分別原犯情出具奏定奪

一軍國錢糧用有定數近來邊費浮於歲額
若不計有無槩擬蠲免後復揔括小民反

受其害今自嘉靖四十四年四十五年并
隆慶元年錢糧除金花銀不免外其餘拖
欠夏秋稅糧馬草農桑人丁絲絹布疋棉
花絨戶口鹽糧鹽鈔皇莊子粒各色糧價
屯田牧馬草場子粒租銀磚價匠價破柴
柴價等項悉從蠲免其二年三年四年各
量免十分之三淮安府徐州地方屢被水
災民不堪命及廣東惠潮二府兵傷特重
除照前蠲免外仍再全免隆慶二年三年

以示優恤前項錢糧涂已徵在官者照數起解若經收人役通同吏書乘機侵盜改換簿籍將已徵捏作未徵者許諸人首告治罪

一戶部召買并各處採買金珠寶石祖母礫貓睛等項及隆慶五年欽降樣式燒造江西磁器詔書到日除已買採燒造者照數起解其未完者悉行停止

一各處織造絨褐紵絲紗羅綾紬等項除額

辦歲造并工部奏派之數照舊解運外其
陝西蘇杭嘉湖并應天府等處差入坐守
織造者悉皆停免已織完者照數起解未
完者并已徵物料交與所在官司准作歲
造內支差去內官即便回京違者罪之
一薊鎮自庚戌後歲調南北客兵甚多勞費
不貲原欲借爲防禦之助因以練補土兵
乃二十年來卽以客兵爲用曾無練補好
生欺玩除已往不究外兵部便行文該鎮

督撫等官通計本鎮兵馬總數內見在主
兵若干客兵若干其主兵不足之數着實
練補補得一名卽當減去客兵一名每年
將補得主兵若干該退客兵若干督撫等
官自行奏報巡關御史閱實題奏施行若
漫無所補或補不堪用及查閱不實者各
治以罪

一内外文職官考滿原有稱職平常不稱職
之分其復職降黜與恩典有無卽照所考

定奪此係舊例近來一槩考稱殊非明試
之義今後各官給由兩京堂上官在外撫
按官務要考其治行優劣據實開報吏部
都察院仍要嚴加考覈分別稱職平常不
稱職照例施行不許一槩含糊奏請

一自嘉靖四十五年十二月以後至隆慶六
年五月以前建言罪廢諸臣吏部備查中
間如果情非挾私才力堪用者議擬具奏
起用其以言事及各衙門官因公事罰俸

住俸者卽以開支降俸者與復原俸

一大小文職官員凡致仕閑住爲民充軍但不係考察及犯枉法贓私者吏部逐一查開奏請充軍者放回原籍爲民者與冠帶閑住閑住者與致仕中間如有才識年力尚堪任使曾經舉薦者許一體遇缺推用其有以養病違限革職者若違限未久姑與敘用以後仍照近題事例行

一各處該納諸色課程門攤商稅魚課棗株

鈔貫茶課顏料牲口藥材等項除已徵在
官外其餘小民拖欠未徵者自隆慶五年
以前悉免今年量免十分之三以蘇民困
一兩淮兩浙長蘆四川各鹽運司鹽課司提
舉司拖欠遠年鹽課除已經開中有引照
舊煎辦給商及存積在官聽候中賣外其
餘自隆慶五年以前未經開中額數拖欠
或存積年久風雨消折等項巡按御史勘
實一體蠲免遇有納剩餘鹽或小民自行

煎辦鹽折不多者仍照舊許令本處貿易
不在典販私鹽之例

一先年加派光祿寺厨料銀兩已經戶部議
改濟邊今雖急用但前項錢糧原係額外
豈可重累小民詔書到日除已徵在官者
仍解部外以後年分悉停止不許朦朧派
徵

一各處鈔關錢鈔本折輪徵折色解部濟邊
本色解送天財等庫計今該庫見貯數多

將本色暫行停止俱令徵收折色三年接濟邊儲如有應賞錢鈔不敷戶部另行議處

一陝西沿邊及兩廣等處軍民田地先年被賊蹂踐拋荒者及各處荒閒官民田地各該巡按御史按察司官勘實具奏該徵夏秋錢糧農桑絲絹戶部悉與蠲免仍聽本處軍民不拘土著流來諸人但有情愿承佃有司驗畝給撥三年之後方許量行起

補者照舊食補內外各衙所軍人年六十以上果有疾病不能應役聽其依親仍行原籍勾丁補役爲事發邇遠充軍充吏及充膳夫遞運所夫年七十以上及有篤疾者悉放回爲民

一各處儒學生員有食糧年深挨貢不前者遂成終棄今許於額貢之外順天府每學各添貢二名在外府州縣學各添貢一名俱於年深廩膳數內挨次考選以示疏通

止行一年後不爲例其年老不能待貢願
告冠帶者給與

一萬壽廣善二壇說戒僧人指以戒法誘惑
愚民有傷風化照舊禁革

一武官誥敕朝廷所以報功勵世近年所司
刁措以致各官不敢續黃兵部便行文天
下軍衛衙門逐一清查果有年久未續者
許本衛所保勘明的准與續黃以後襲替
必須親齎誥敕與黃選查對相同方准選

授

一京營及各處騎操孳牧馬匹倒失被盜應
追負補及椿朋等銀除已徵在官外其在
隆慶六年六月初十日以前未完者悉與
蠲免

一內外大小武職官除真犯死罪及事干軍
機重情不宥外凡一應干累註誤犯該充
軍立功等項及領運糧完領操班完者所
司查明奏請定奪其失機不係失陷城池

及殺虜至二百人之上內有年力精壯尚堪委用者許其具奏所司查實題發邊衛充軍勒限立功過限無功仍舊論死

一各處額編民壯快手本爲緝捕盜賊而設近來盡數差占或赴各兵備道團操遇有革寇竊發有司束手無措今後不許占役一人悉令放回各衙門該州縣貴成掌印巡捕官操練各兵備道巡歷之日比試查驗其保甲一事尤爲弭盜良法兵部便行

文各處着實舉行

一盜賊生發迫於饑寒者十之一二起於豪
俠者十之七八有司漫不經心反爲隱匿
不報上司以致滋蔓猖獗頻年紛紛奏報
劫獄盜庫正坐此弊以後各該撫按官務
要嚴督司道府衛州縣掌印巡捕等官地
方但有盜賊卽行緝捕務在得獲每季終
各將該管地方有無失事及獲過盜賊名
數申報查考敢有隱匿不行從實開報者

提究如律若撫按姑息容隱聽科道官叅
治

一城池所以衛民沿邊沿海尤爲緊要屢詔
增飭有司漫不經意一遇寇至輒被攻毀
兵部便行於各該總督提督兵撫按等官
各將所屬城池逐一閱歷分別堪守與不
堪守者應動何項銀兩修補原無城池者
作何建立通限三箇月以裏具奏定奪
一軍役有重役不問三處五處遇有事故如

果戶內人丁消耗只併一處勾丁補役其餘悉行開豁及有丁倒戶絕并同名同姓被人妄報連年勾擾者有司從實體勘得實卽爲轉達該府兵部開豁毋得展轉勾攝剝削無辜亦不許指此爲由一槩將有丁之家徇私賣放空歇軍伍違者各治以罪

一畿內各府州縣節年寄養馬匹內有年齒衰老節次充軍揀退不堪負累小民餒養

通志卷之六
兵部行文太僕寺分管官督同該府州縣
管馬官勘實變賣價銀轉解太僕寺貯庫
湊補買馬支用

一廣東廣西等處先因賊首作耗逼脇人民
相從爲盜除已命征剿處治外其脇從餘
黨畏避罪犯逃散山林或奔遁海澳勢不
能散者與赦前罪詔書至日許各回籍復
業所司量加優恤

一中都留守司河南山東都司軍職止因班

軍違悞叅奏降調別無贓私過犯者自隆慶六年六月初十日以前不分已未問結悉從宥免

一內外各衙門有問完官吏軍民人等罪犯已經奏請未曾奉旨發落應該宥免者卽行查照發落其有監候行勘未報人犯罪應宥免者并正犯在逃監禁家屬証佐不係事干謀反叛逆劇賊者悉令保候歸結一內外各衙門見監死罪重囚曾經撫按恤

刑衙門奏請駁回再問者詔書到日覆審
明實速與奏請定奪毋得淹滯

一內外各衙門見監囚犯該追贓物除侵盜
係官錢糧銀五十兩糧百石以上并入官
銀百兩以上照舊監追外其餘一應給主
入官還官銀糧不及數并免追徵內應監
追者若正犯身死拘禁家屬年久各勘無
家產堪以變賣賠納開具所犯情罪奏請
定奪其各處官攢人等有因查盤糧草腐

朽浥爛及失火延燒虧折數多問罪監追者果無侵欺情弊亦皆免追

一在京緝事衙門緝獲強盜妖言奸細等項多有無賴番役貪功網利妄拏拷打誣陷重罪今後問刑衙門如遇送到務要從公研審的確果有冤抑卽與辯理毋致虧枉一各處拖欠工部各項本色物料如桐油蔴鐵之類內除成造軍器供應器皿備賞賜皮張羊毛外其餘自隆慶五年以前未徵

者悉皆蠲免已徵者照數起解敢有將已徵捏作未徵者治以重罪

一內監取用南京及蕪湖各抽分廠竹木板枋除年例應解者照舊起解外其拖欠自隆慶五年以前悉皆蠲免各監不許朦朧移文追取

一各處衛所歲造軍器并有司該造弓箭弦條自隆慶五年以前拖欠未完者悉免補造其收過有司物料准作以後年分該辦

之數敢有因而侵欺者治以重罪
一川貴湖廣等處先年採運大木各該官吏
軍民人等有多領木價及多用大價監追
年久若勘無家產及正犯身故者并與放
免

一近年天下軍民窮困府藏空乏重以營建
大行皇帝山陵各該衙門工作除城垣墩臺關隘倉
廩漕河等項例該修理者指實具奏定奪
外其餘一應不急之務悉皆停止不許擅

自移文興王其在外司府軍衛州縣等衙門非奉朝廷明文一毫不得擅科一夫不得擅役違者各治以罪

一各處水坍沙壓等項民屯田地稅糧負累軍民賠納曾經撫按查勘明白具奏者該部卽與除豁其各處衛所有釋放軍伍遺下屯糧負累官旗賠納亦與查勘分理
一各處有奸猾巨惡捏寫本狀起滅詞訟把持官府毒害良民與凡一應喇唬光棍巡

按御史着實訪拏問罪務要叅伍體察得
其真情不許遺托非人濫及無辜

一朝廷政事得失天下軍民利病許諸人直
言無隱

於戲績大承休惟奉

累朝之成憲布德施惠用洽萬國之懽心將升大猷
在謹初服詔告天下咸使聞知

隆慶六年六月初十日

奉

天承運

皇帝詔曰朕以寡昧祇奉

宗祧永惟盡倫盡制之君皆有尊親養親之典益禮
緣分定而孝因心生葬典具存遵循易後恭惟
我

聖母皇后體備坤儀翼宣化理敷遺後嗣啓佑弘多
我

聖母皇貴妃穆修壺教克嗣徽音誕育眇躬恩勤備

至肆予小子獲嗣丕基惟

皇考之光命是承亦惟

聖母之訓育是賴崇功報德寔切朕懷宜各極於尊
稱以永綏乎至養是用博采羣議祇率舊章以
本年七月二十七日謹奉冊寶上

聖母皇后尊號曰

仁聖皇太后

聖母皇貴妃尊號曰

慈聖皇太后大禮肇舉洪恩誕敷所有寬恤事宜條

列于後

一親王生母封爲繼妃郡王生母封爲次妃
舊例上於請敕知會不給誥命今自隆慶
六年七月以前凡親郡王生母已受封者
俱准特給誥命又親王庶子受封後其生
母例封夫人將軍中尉受封後其生母例
封淑恭宜人若果年踰七十其子孝行
著聞亦許奏勘無碍特給誥命後皆不爲
例

一親郡王之子有年幼未及請封其奉敕管
理府事者果能保護盡心翊贊有道迄王
受封不失令名許本王及撫按官奏聞降
敕旌獎

一宗室有名位者年七十以上各賜米十石
絹十疋凡一應禮儀或衰病不能自行許
其子代行以示優老之意其爲庶人者量
給三分之一

一兩京文職官員未及三年考滿者俱與應

得誥敕如品同而職銜不同照見任改給
署職者與實授有願移封者聽若先已移
封今給與本等誥敕

一文官五品以上以禮致仕者各進本品階
一級其二品以上大臣年及八十者有司
備綵帛羊酒問勞九十以上者具奏遣使
存問

一各王府官有年老願致仕者進散官一階
其歷俸三年以上父母見存該受封者給

與應得誥敕後不爲例

一在京在外官員有以父母在疾願告終養者例候親終起用但其中或有親疾已平分須祿養子年方壯才堪世用者并近年養病給假違限者例該罷職不敘及曾經論列致仕閑住等項原不係黜退人數事久論定年力可用者該撫按官具以名聞吏部再加查實具奏定奪地方官不許因而受賄市恩冒濫舉薦違者以贓論

一軍職官員爲事立功已滿准收全俸如立功未滿赦回復職者仍照舊例減支扣算限滿方准全支立功未滿病故者子孫襲替免其減俸

一軍職先年爲事降調兩廣等處烟瘴衛所病故不分已未到衛子孫爲因路遠不能赴所調衛分起文承襲許令原衛起送承襲帶俸差操

一大漢將軍侍衛二年半以上者給與冠帶

又歷四年半以上者授試百戶其將軍年及五十歲待衛二十年以上者不拘在役退閑俱與冠帶榮身

一守備備禦提調操守把總等官中間有統軍不多止因虜由所管地方侵犯因而撲殺人畜卽問擬守備不設充軍實屬虧枉詔書到日許於原衛所或配所各該撫按衙門聲訴查其原犯緣由所領軍多寡與賊虜是否相當酌擬罪之輕重限一月內

類送定奪

一各邊將領平昔謀勇出衆累立戰功偶因失事及誑誤革職閑住立功充軍等項年力未衰猶堪任使者詔書到日撫按查訪的實疏名奏聞兵部酌量起用

一天下儒學生員有因親老無人侍養願告侍親者聽親終仍許復學其在學累舉不第年五十以上者許告衣巾終身有德行著聞者給與冠帶榮身

一軍民有年七十以上者許一丁侍養免其
雜泛差役八十以上者仍發與絹一疋綿
一斤米一石肉十斤若有德行著聞爲鄉
里所敬服者給與冠帶榮身九十以上倍
八十之賜其鰥寡孤獨及篤廢殘疾者照
例存恤毋令失所

一山林隱士如有抱才抱德卓然可爲時用
及武畧出衆膽力過人可備將帥之選者
該撫按官具實奏聞該部再加覈勘酌量

錄用

一天下祀典神祇有司務在誠敬奉祀壇廟
損壞卽宜修理各處帝王墳墓禁民採樵
以昭尊崇之典

一革除間被罪諸臣忠於所事甘蹈刑脩有
死無二皆我

太祖高皇帝所儲養忠臣義士我

成祖文皇帝當時亦有練子寧若在朕猶當用之之
語是諸臣罪雖不赦心實可原朕今仰遵

我

聖母遺意褒表忠魂激勵臣節詔書到日各地方有
司官查諸臣生長鄉邑或特爲建祠或卽
附本處名賢忠節祠歲時以禮致祭其墳
墓苗裔倘有存者厚加卹錄

一孝順節義乃風化所關近來有司官皆眎
爲末務往往有窮鄉僻邑終身淦沒無聞
者而富勢有力之家小有一行卽爲之文
飾張大其事或其子孫貴顯自爲陳乞甚

有奸僞生徒積年猾棍裝捏行實希圖規
避者皆畧不體勘輒與具奏使虛僞者反
見表異而獨行者壅於上聞殊非朝廷彰
善闡幽之意今後各地方有孝子順孫義
夫節婦查係貧難孤苦之人有司官亟與
覈實奏聞旌表不許詭竊虛濫致亂名實
亦不許子孫居官身行陳乞其已經旌表
年六十者孝子給與冠帶榮身節婦給賜
絹布米肉

一總小旗併鎗年及三十歲十年外不到部者例該革充軍役但地方遠近不等難以槩革今後量照武職襲替事例南北直隸湖廣陝西河南山東山西遼東俱限十二年之內江西浙江廣東廣西福建四川雲南貴州俱限十五年之內免其查革此外再有耽延不行告併者方行革充軍役

一在京營衛并在外衛所官軍近因災傷做工及管軍官科害因而在逃者限兩箇月

以裏在京赴兵部在外赴本衛所首告照舊食糧差操免其問罪

一各處有司起解逃軍軍丁及充軍人犯赴衛違限一年之上解人例發附近充軍及軍丁該發邊衛及極邊衛分充軍者悉皆宥免解人發回原籍當差逃軍軍丁仍發原衛着伍

一各衛所官軍折俸月糧有經年累月不得關支者撫按官速爲處給以甦困苦如州

縣官將應徵軍糧拖欠不行上緊完解及
司府管糧官不行催督者許撫按查照完
欠數從重叅究

一 中都留守司河南山東都司京操班軍隆
慶六年七月以前拖欠罰班銀兩以十分
爲率量免五分以甦軍困查有已收在官
及侵欺者仍作速追完起解其應解五分
兵部行文各該撫按官分作二次限二年
催督解完以濟工用如有拖延查叅究治

一刑獄民之司命近來問刑衙門多不諳律
例輕眚人命羅織成獄及奏當上請止具
畧節招由觀其所犯死有餘辜原其初情
或不如此議擬一定辯雪者什之一二枉
死者什之五六至於在外有司衙門尤喜
詞訟繁多便於科罰肥已或一事而干連
數人或輕罪而淹禁一兩月使之曠廢本
業甚有連累至死者無辜徹天致傷和氣
朕甚憫之今後內外問刑官平時務將律

令講究精熟罪無輕重俱要虛心詳審問
擬務從平恕不許法外深求亦不許聽從
上司指使故意出入人罪緝事衙門不許
妄挐平人逼拷成招圖冒功賞有司官不
許濫受詞訟任意科罰笞杖輕罪卽時發
落不許淹禁踰時及多扳干証貽累無辜
違者在內聽部院該科在外聽撫按官叅
究重治

一犯罪存留養親備載明律例近來此律不

行殊失朝廷優老至意詔書到日凡軍民
罪囚有祖父母父母年八十以上老疾應
侍家無次人丁者犯該死罪非極惡重情
常赦所不原若誤殺戲殺誣告人累死隨
行親屬等項及充軍并口外爲民開具所
犯罪名奏聞取自上裁其徒流無力贖罪
應該發配者止杖一百餘罪收贖俱聽存
留養親務須結勘明的有納賄扶同朦朧
奏請及任情施行者以故出論

一應該償命罪囚遇蒙赦宥俱照大明令追銀二十兩給付死者家屬如果十分貧難者量追一半備載開刑條例近年有司亦不舉行使苦主含冤兇人倖免詔書到日凡軍民人等犯該人命有遇恩赦及矜疑饒死者俱照條律施行

一內外各衙門見監人犯以贓人罪者還官給主應追贓數原未受有真贓止是計費折筭及各主通併坐罪不係侵冒在官錢

糧亦非強盜搶奪事情重大者卽半兩以上監禁年久節查家產盡絕難以追併者開具所犯及原擬罪名奏請定奪

一各處解納錢糧到京內外管收人員指索使用多於原額以致上納掛欠及在京勢豪在外積棍包攬誑騙久之延挨侵費重復徵解貽害小民苦累正戶今後該部申明禁約許被害之人指實奏告及有各布政使司等衙門積年書吏通同奸猾巨棍

將解京錢糧已行領解任意侵費遂致埋
沒有十餘年人文俱不到部者以國家常
賦養此奸徒深可痛恨詔到各撫按官務
要着實清查嚴行追併并先年該部參提
侵欺錢糧人犯限一月以裏嚴拏正身解
京問理若該司官不能自行查報撫按官
不能着實稽察者俱以罷輒論

一丈地均根本爲良法但中間肥瘠不同等
則各異槩派則田賦不均銖稱寸度則奸

徒遂得以上下其手各有司不能沿坵履畝逐一查勘其勢必委之糧里吏書賄賂交通遂致那移等則增減分數作弊多端且民間版籍已定一旦紛更田未及均民先被擾有司終年造冊里甲日費供給徒爲文具以博虛名戶部通行各撫按官除民間田地已經丈明百姓樂從者悉遵原額納糧當差如有別弊卽爲究治改正再不許妄行丈量自立新法擾民違者以變

駢成法論

一大江南北財賦所出全資水利各處設有水利僉事各府縣又有水利通判縣丞等官近來往往視爲末務上下因循一遇水荒卽奏乞蠲免賑濟引天災以逃責豈爲民父母之道今後各該撫按督令專管水利司道官往來巡歷着落有司官將該管地方水利着實講求議處何處當疏通其源何處當挑濬其流壩堰圩圯在在增修

使蓄洩有備旱澇無傷合用夫役取諸得利之家毋令騷擾若工程浩大撫按官查將先年導河夫役用剩貯庫及該府州縣洲池魚課奏留修理堤垸等銀兩酌量動支有司官有仍前曠職誤事及地方強豪勢要之家阻撓壅塞專利病民者撫按官叅拏處治

一順天河間二府係畿輔重地工部額派葦課節年拖欠之數自隆慶六年以前已徵

在官者照數起解未徵者悉皆蠲免以後照常徵解

一漕渠爲國家咽喉之地近來黃河變遷瀕河居民十分困苦卽今河流雖安民力已竭隆慶六年應徵椿草灰蔴銀兩俱與蠲免以示優卹其徭編各夫代役工食原有定額近來有司務爲節省虛名尅減過多詔書到日河道衙門查議量加具奏定奪一工部庫貯鉛鉄近且足用浙江福建課鉄

及河南福建收買鉛鉄俱各蠲免隆慶六年一年內扣留收買鉛鉄料銀仍令該省解部貯庫以後照舊徵買起解

一天下司府州縣課稅抽分衙門俱有定額近年以來凡橋梁道路關津有利處所私自添設無名抽取數多甚爲民害詔書到日巡按御史及按察司分巡官通行查革有司嚴加禁約不許坐視故縱

一儀真高郵淮安徐邳昭陽南旺馬踏等一

帶湖地節經行查未見所司回報詔到河道衙門作速查實於內果係沙水占塞准與開豁其實在所受者照舊追徵以備修河之需

一錦衣宣官馬疋走差疲苦每遇倒死比營操事例責限買補年終又驗印比較累苦逾深今後除倒死買補外年終止照舊例類造清冊連馬赴寺點驗免給勘合比較煩苛以甦困苦

於戲福隆名壽鴻庥祗迓於

三靈愛始邦家孝治永光於四海播告中外咸使聞知

隆慶六年七月二十八日

永奉

天承運

皇帝詔曰朕聞帝王有峻德豐功昭著於當時則必有鴻名顯號垂示於萬世斯古今之通義國家之令典也惟我

皇考大行皇帝聰明睿智恭儉寬仁懋聖學於緝熙攬乾綱於獨斷靈承

帝命軫恤民艱先德政而後刑威崇文教而修武備外夷賓服中國乂安享六載之昇平垂萬年之

基緒增光

列聖超越百王功德之隆茂以尚已不幸

龍馭上昇板號莫逮朕以涼德嗣守

丕基方續述之盛圖豈光揚之敢後謹命文武羣臣

叅稽古禮議薦

崇稱徧采師言協於公論乃於今年七月初三日祇
告

天地

宗廟

社稷冊寶恭上

大行皇帝尊謚曰

契天隆道淵懿寬仁顯文光武純德弘孝莊皇帝

廟號

穆宗於戲乾坤高厚固蕩于其難名日月昭垂益渙
焉而可仰布告中外咸使聞知

隆慶六年八月 日

奉

天承迎

皇帝詔曰朕聞自古帝王紹聖祈天必隆胤祚蓋以
祇承

宗社茂衍本支邦家之慶莫大於此朕以眇躬嗣登
大寶於茲十年幸方內乂安四夷賓服庶不墜

祖宗丕構惟大婚有年熊祥未協中外人心舉深俟
望朕用是不釋於懷茲荷

皇天錫佑

列聖垂庥以今年八月十一日第一子生係恭妃王
氏出上副

兩宮聖母憂勤之念下慰四海臣民仰戴之情粵稽
舊章用覃大賚所有恩例開列于後

一萬曆十年九月初六日昧爽以前官吏軍
民人等有犯除謀反叛逆子孫謀殺祖父
母父母妻妾殺夫奴婢殺家長殺一家非
死罪三人採生折割人謀殺故殺蠱毒廢
魅毒藥殺人強盜妖言姦黨失機非事干

邇方夷情及人命十惡至死罪者及永遠
充軍人犯不赦外其餘已發覺未發覺已
結正未結正罪無大小咸赦除之敢有以
赦前事相告言者以其罪罪之

一各王府分封既久宗枝日繁祿米歲增民
間地畝所出有限兼以有司怠於催徵地
方時遇荒歉以致常祿拖欠養贍不周深
爲可憫詔書到日撫按官各將境內宗祿
及坐派民糧額數通融計筭嚴行設法徵

給如有不敷仍酌議裒益通變事宜奏聞
朝廷區處毋使貧難失所有孤親親之意
一鳳陽高墻庶人已故所遺子孫妻妾撫按
官查明奏請釋放其節年越關赴京遞回
閒宅拘住者如止係請乞奏辯別無違碍
亦准釋放

一公侯駙馬伯并内外文武官員旗士人等
有因事革去罰住祿米俸糧者准照舊關
支

一兩京三品以上文官例該廕子在任未及三年考滿者俱准廕一子入監讀書

一兩京文武官員署職試職并試御史俱與實授

一内外文職官有養病致仕年力未衰才識可用曾經科道及撫按官薦舉者吏部查奏起用其一應因事考察去任的永不許起用其一應冠帶閑住者俱與致仕爲民者與冠帶閑住

一近年以來四方災報頻仍民困日久一應
夏秋稅糧馬草農桑人丁絲絹布疋綿花
絨戶口鹽鈔皇莊子粒屯田牧馬新增草
場子粒租銀曆日防夫水夫民壯弓兵機
兵蘆課富戶等項除萬曆七年以前帶徵
拖欠者已有旨盡數蠲免外其諸色課程
門攤商稅魚課棗林鈔貫果品等項已徵
在官者截數起解其未徵分數自萬曆八
年以前悉與蠲免

一天下稅糧除萬曆八年九年十年照舊徵
解及陝西河南山西等處災重地方撫按
官作速勘明將本年錢糧奏請蠲恤外其
萬曆十一年各項稅糧不分起運存留准
免十分之三以蘇民困

一隆慶六年以前各省直金花銀兩查係小
民拖欠年遠難完者准與全免淮鳳等府
拖欠改折漕糧萬曆七年以前帶徵者准
免一半

一南直隸江浙湖廣節報水災萬曆十一年
分漕糧四百萬石除舊例折銀及應免分
數外其餘以十分爲率地方有災者惟改
折五分無災者改折三分不分正兌改兌
俱照萬曆七年事例連席木板枋每石徵
銀六錢其歲熟米賤去處不願改折者聽
其仍運本色

一充軍充徒并編發口外爲民及遷徙安置
人犯已到配所者軍除永遠遷徙安置人

除謀叛家屬不赦外其餘悉准放回原衛
原籍寧家隨住

一侵欠還官銀兩雖情重數多例不應免或
係嘉靖年間事犯正犯已經監故正法拘
禁家屬年久產盡者及各項追贓人犯有
係查盤坐侵訪察坐入風聞叅論原無証
據或正犯已故監併家屬累及親族者刑
部法司備細查明分別年月久近贓數多
寡將應免應釋人犯開具奏請定奪

一萬曆九年以前沿邊沿海倉場官攢商人
守支糧料草束五年之外查盤浥爛虧折
不係正數者不分正犯家屬軍罪以上開
具奏請徒罪以下俱准免追釋放

一浙江等總運糧官員有自漂流掛欠監追
五年之上產盡或身故者子孫准其襲替
照例扣俸還官如係侵盜正犯奏請定奪
其違限註誤及中都等處違誤領班各提
叅住降俸級立功者准與查復宥免

一天下各鹽運司鹽課司提舉司萬曆八年以前額課拖欠并存積年久風雨消折巡鹽御史勘實盡行蠲免如數內已經開中商人赴場聽支者准於辦課贏餘場分自行買補量於割沒鹽斤數內扣除

一天下司府州縣稅課抽分衙門舊有定額近年各路關津貨物經由處所擅立牙行抽稅罔利病民詔書到日撫按司道官查係額外私設者盡行裁革違者兩京科道

官訪實叅奏

一鑄錢本以利民近因鑄造不精私錢淆雜及不係產銅去處買運艱難領發行使阻滯不便詔書到日各該開局鑄錢地方暫行停止如地方錢法通行官民相安願仍前鼓鑄者聽從其便

一各省直清丈田糧除丈派均平軍民稱便者照今次造報文冊坐派徵收外如有短縮步弓虛增地畝及將山陂湖蕩屋基墳

基并積荒地土升則派糧貽累軍民者撫
按摘查明實准與更正但不許緊行覆文
反增勞擾

一萬曆九年以前各處府州縣官各衙所掌
印管屯官催徵民屯錢糧完不及數住俸
者俱准開復補支降俸級併立功調衛者
撫按官通查原欠分數奏請定奪其有司
積穀不及分數住俸者俱准開俸補支降
俸者復俸不補支其捏報虛數在任叅降

者不准開復去任後叅降者准開復

一各處解部贓罰銀兩節年已有定額近因加增數多致問刑官故入人罪橫肆科罰刑獄枉濫傷和召災自萬曆十一年爲始各撫按官贓罰俱照舊數解部濟邊如有積餘留貯各府備賑司道有司敢有故入濫科等弊撫按官不時叅奏處治

一軍職萬曆十年八月以前爲事降調兩廣等處烟瘴衛所病故不分已未到衛子孫

爲因路遠不能赴所調衛分起文承襲許
令原衛起送承襲帶俸差操其充終身軍
已經開伍回衛年六十以上者比照爲民
事例子孫准其承襲其爲事降級年六十
以上子孫赴部替職者准復祖職未及六
十者止許暫替所降職事其爲事立功者
許令復職差操與支半俸扣至限滿全支
有限未滿病故者子孫襲替免其減俸
一凡應襲武職比試違限例該住俸者免其

住俸比試不中應給半俸者准支全俸俟
二年之後起送再比總小旗因誤併鎗革
役者該衛所查無別碍不論年月久近許
令起送補併還役

一湖廣四川廣西等處宣慰等司土舍應納
銀釐替日久不能完納者照萬曆九年兵
部題准雲貴事例免其納銀徑令冠帶管
事以後土官襲替俱令照舊赴京或地方
有事及貧寒不能赴京者具告該管撫按

衙門查明代表奏就彼襲替

一畿內各府州縣節年寄養馬匹有瘦弱不堪者負累小民餵養詔書到日各掌印官卽便勘實呈報該寺照依時估變價解寺貯庫其節年倒死無作踐情弊准免賠補一京營并在外各營騎操及苑僕孳牧馬匹倒失被盜應追買補椿贓等銀除已徵在官截數起解外其萬曆十年八月以前未完者俱准蠲免

一南北直隸山東河南各府州縣應徵萬曆
十一年牧馬草場子粒餘地租銀俱量免
十分之三其備用馬匹除本色外萬曆十
一年派徵折色者每匹價銀免三分之一
共十一年派徵本色者于十二年折色內
亦免三分之一

一各邊將領平昔謀勇出衆累立戰功偶因
失事及註誤革職問住立功充軍等項年
力未衰尚堪任使者詔書到日限三箇月

以裏撫按官查訪的實疏名奏聞

一沿邊沿海緊要多事重鎮委用各營名色千把總無實職者若係旗舍或係三科武舉果謀勇過人故有勞績聽總督撫按官指實奏薦量授署所鎮撫俟後更有勞績方准實職官一體推用其軍民納授服色者原不在聽用之列不許乘機混冒

一內外各衙門見監應決重犯今歲暫免行刑兩京法司仍將情罪有可矜疑者開具

畧節招由奏請定奪其侵盜腹裏錢糧四百兩以上問斬人犯如犯在萬曆七年三月未奉新例之前者准照舊例問遣例後罪犯追贓限滿聽決者仍准改限一年
一南北直隸浙江陝西河南山東山西輪班匠價除萬曆八年清查以後如有逃亡故絕人戶查無產業節累各里戶包賠者所司勘明覈實申呈撫按衙門類奏除免其江西福建湖廣等處應解南京工部班銀

一體照例查豁

一浙江福建蘇松常鎮徽寧揚州廣德等府
州自萬曆元年起至萬曆八年止拖欠歲
造段疋除已徵收在官及起運在途者照
舊解納外其餘查係小民拖欠盡數蠲免
一各省直及順天真定寶定三府山東山西
二布政司連年災傷小民困苦萬曆十一
年額派料銀柴夫木柴路費准免十分之
三其各省直額解課鐵及戊丁二庫并厰

庫軍器民弓箭弦鹿狐羊皮等項應解本折俱免十分之三

一兩京各衙門歷事監生及承差各免歷事二箇月辦事官一箇月辦事吏二箇月當該吏四箇月禮部鑄印局儒士食粮候粮及納銀冠帶見在歷事者各免三箇月於戲震符誕啓綿統緒千萬年解澤旁流沛仁恩於九有詔告天下咸使聞知

萬曆十年九月

日

奉

天承運

皇帝詔曰朕纘承丕緒君主華夷內外安寧茲二十載蚤夜兢兢惟敬

天勤民是念端居靜攝毋敢怠荒祇圖邊境乂安與民休息何期變亂之事忽起朔方之間逆賊李拜呼承恩父子者本以夷種冒竊冠裳包藏禍心素恃強狠乃構叛卒劉東陽許朝王文秀等借言撫馭乖方糧餉虧尅乘機煽禍羣造反謀

戕殺命官據城負固妄意祿山之故事敢萌元
昊之邪心辮髮從夷僭稱王號傳播僞檄擅毀
敕書奪庫放囚搜金括帛燒毀衙舍逼脅親藩
勾虜爲援毒民肆虐欲奪靈州以成犄角謀窺
關陝而犯中原九塞因而騷擾三秦爲之震動
誠神人共憤而罪惡滔天者也幸賴

皇穹厭禍

宗社垂庥大小臣工効謀於內文武將吏宣力於外
兵摧強虜水灌堅城犬羊膽寒豺狼氣奪旣熊

熊之畢集乃晝夜而兼攻釜底遊魚尚思奮鬣
檻中逸獸無計逃生衆士咸賈勇以先登群兇
遂就擒而授首三旬逆命未馴干羽之來六月
興師竟奏殲旃之捷遙傳露布驪動雷聲解一
方之倒懸開三面之密網論功行賞弔死扶傷
僭竊掃平地方寧靜除劉東陽等臨陣先誅闔
門受戮今檻致哮承恩等獻俘千里傳首九邊
近足以洩忠義不平之心遠足以垂叛亂無將
之戒逆天者孰能逃於憲典犯法者果何益於

身家生靈不幸以致於斯天地至仁豈樂有此
茲特宣示薄海內外九邊四夷軍民人等安分
者爲良民保身者爲常道恪遵王法共享太平
於戲除殘去暴赫彰天討之公鑒往愆來聳聽
皇綸之播布告天下咸使聞知

萬曆二十年十二月

日

奉

天承運

皇帝詔曰朕以眇躬祗膺

天命嗣守

祖宗鴻緒二十有四載于茲夙夜兢兢罔敢懈惰迨
乎邇歲靜攝深居蓋周慎于保身匪宴安而厭
事百司庶務覽斷未嘗不親吏蠹民茲諮諏惟
恐不徧顧焦勞徒切于上而政令未協于中致
于天和游形災變昨于三月初九日戌刻乾清

坤寧二宮悉被火災載

天心之仁愛甚著荷

列祖之庇佑尤深幸朕所居不至延蔓而法宮嚴寢
一時盡灰永懷譴告之殷實繇涼德所致撫躬
自責震悸弗寧已痛加悔懲額禱

郊

廟嘉與海內勉於維新茲下罪已之言共圖交儆之
實夫萬方之有疾苦如在朕躬一人之省愆咎
愆宜令衆喻尚恪恭以承

天戒咸濯板以分主憂大法小廉益謹奉公之節內
寧外謐期臻至治之祿布告臣民咸使知悉

萬曆二十四年三月

日

奉

天承運

皇帝詔曰朕纘承洪緒統理兆人海澨山陬皆吾赤
子苟非元惡普欲包荒屬者東夷小醜平秀吉
猥以下隸敢發難端竊據裔封役屬諸島遂興
薦食之志窺我內附之邦伊岐對馬之間鯨鯢
肆起樂浪玄菟之境鋒鏑交加君臣逋亡人民
離散馳章告急請兵往援朕念朝鮮世稱恭順
適遭困阨豈宜坐觀若使弱者不扶誰其懷德

強者逃罰誰其畏威況東方乃肩臂之藩則此
賊亦門庭之寇遇徂定亂在于一人于是少命
偏師第加薄伐平壤一戰已殲驕寇而賊負固
多端陽順陰逆本求伺影故作乞憐冊使未還
兇威復扇朕洞知狡狀獨斷于心乃發郡國羽
林之材無吝金錢勇爵之賞必盡卉服用澄海

波仰賴

天地鴻庥

祖宗陰騭神降之罰賊殞其魁而王師水陸並驅正

奇互用爰分四路并協一心焚其芻根薄其巢
穴外援悉斷內計無之于是同惡就殲羣酋宵
遁舳艫付于烈火海水沸騰戈甲積如高山氛
殺淨掃雖百年僑居之寇舉一旦蕩滌靡遺鴻
雁來歸箕子之提封如故熊羆振旅漢家之威
德播聞除所獲首功封爲京觀乃檻致平秀政
等六十一人棄屍藁街傳首天下永垂兇逆之
鑒戒大洩神人之憤心於戲我國家仁恩浩蕩
恭順者無困不援義武奮揚跳梁者雖強必戮

茲用布告天下昭示四夷明予非得已之心識
予不敢赦之意毋越厥志而受顯罰各守分義
以享太平凡我文武內外大小臣工尚宜潔已
愛民奉公體國以消萌孽以導禎祥更念彫酋
殲財爲日久嘉與休息正惟此時諸因東征
加派錢糧一切盡令所屬除豁務爲存撫勿事
煩苛咨爾多官宜悉朕意

六

萬曆二十七年閏四月

日

奉

天承運

皇帝詔曰朕嗣承歷服式奉先猷欲人並生庶幾不
擾八年以來俄煩兵甲賴

天地

廟社之靈將相臣民之力內攘外卻無損國威然彼
皆文告不來自投燹鑊朕甚憫之非爲快也惟
此播州故有楊氏爲夷長率受我冠裳子孫之
仍藉有年朝廷之覆露良厚夫何其末胄應龍

者安忍無親大逆不道當其嬖寵戕嫡淫刑禍
民毒痛一方凶殘七姓國人皆曰可殺朕心不
忍加誅因其漢官疆以戎索曲從贖死爲德甚
弘而乃下愚不移肆行無忌敢爲嫚辱妄意薦
竄旣述重慶之囚遂決跳梁之志收藏亡命搆
煽苗夷震駭兩川恫疑四海朕猶時覃在宥未
卽移師而賊因撫成驕因驕成亂內則僭越王
章無復人臣之禮外則矜詡物力有輕中國之
心掩不備於綦江梗道塗於湖貴爲臣若此孰

其堪之夫帝王之道推亡固存邇者東西之故
胡不聞焉是用一勞師徒四徵饋餉天休人力
涌霧屯雲發蜀楚黔滇土著之兵下秦晉吳楚
如林之甲婁山崖門之隘平地九衢渭潭河渡
之深崇朝一羣賊徒鼠竄僞社颺焚穴擣塗窮
登高塞向猶自謂重關百仞可敵萬夫困獸于
羣堪資一戰豈知天心旣吐地險何憑死關不
能詐降不可百道圍而鳥飛絕九攻合而蹇兔
啼突士盡而鼓聲哀騅歌悲而艷妻訣夫應龍

以極惡就經一死安贖是命剉屍傳首龔天嚴
誅其妻孥黨與七十餘人檻來闕下重者分裂
輕者鉗奴自餘在播者下傳近獄有司報治千
年守土一旦丘墟伊誰實然豈朕之意於戲漢
封遠矣代有棄置蠻夷君長人安與安惟虔劉
無度予一人實不忍於赤子亦明天地雖廣日
月無私穢無遠而不疏惡無微而不蘊苟有昏
暴淫虐蔑常亂紀朕雖欲赦如天弗容其明告
中外有土有身視爲前車各戒爾後氛慝初消

瘡痍未起師之所處荆棘生焉邑里蕭條哀此
焚燬凡蜀楚滇黔有因用兵加派錢糧及一切
可緩積逋若註誤輕條並令所司酌量蠲宥赦
乏振滯蕩滌煩苛咸與維新安生樂業布告中
外俾共聞知

萬曆二十九年正月 日

奉

天承運

皇帝詔曰蓋聞帝王久安長治之道莫重于崇建元良我

祖宗家法相承惟長是立所以厚國本定人心也朕長子常洛孝敬寬仁天鍾粹美奉朕諭教時敏厥修今德器日益端凝學業日益精進允堪弘受慰朕至懷敬入奏于

聖母諏詢今十五日吉授冊寶爲皇太子仰承

廟社之靈俯順臣民之望爰封第三子常洵爲福王
第五子常浩爲瑞王第六子常潤爲惠王第七
子常瀛爲桂王俾各守藩共維大統典禮旣成
普天同慶丕覃渥恩備列于後

一親郡王及將軍中尉等如有謹身修行足
勵世俗者該撫按奏聞獎勵

一宗室子女名封選婚禮部查果無碍卽與
題覆如有不明方行查勘先前行查者詔
書到日巡按作速勘報長史教授等官有

刁蹬故違稽錯者查叅治罪

一王府應得祿米有缺少者該撫按查催完

納

一

累朝及見在公主所山子孫有志向學者廕一子入

監讀書

一祀典神祇有司宜肅恭祭祀整潔壇宇其

帝王陵寢及名賢墳墓皆宜修理禁約毋

許樵採牧放

一兩京文官一品至九品各給與應得誥敕
先給領者進本品勲階一等品同而職銜
不同者照見任改給署職者與實授試御
史試中書庶吉士及守制給假等官實授
官復除之日補給願移封移贈者聽先已
移封移贈今給與本身及妻誥敕方面官
二品至五品有司官正四品未曾考滿有
正薦者亦與應得誥命先給領者進本品
勲階一等

一兩京三品以上文官未考滿者磨一子入
監讀書

一文武官員五品以上致仕年六十以上者
各進本品勲階一等二品以上致仕年八
十以上者有司具奏存問爲民者與冠帶
閑住閑住者與致仕

一王府官願致仕者進散官一級長史歷任
三年無過者給與誥命

一大漢將軍侍衛二年以上者給與冠帶已

冠帶又歷四年以上者授試百戶年及五十侍衛二十年以上者不拘在役退閑俱與冠帶榮身

一武官十年以上人文不到部者例不准襲但有路遠家貧不無可憫量寬二十年以內者仍准替襲

一武官誥敕年久未續者許本衛所保勘明白准與續黃以後襲替必親齎誥敕與黃選查對相同方准選授

一自萬曆二十九年十月十五日昧爽以前
官吏軍民人等有犯除謀反叛逆子孫謀
殺祖父母父母妻妾殺夫奴婢殺主蠱毒
魘魅毒藥殺人強盜人命侵盜御服邊腹
倉庫漕運錢糧并欽依罪犯及永遠充軍
不赦外其餘已發覺未發覺已結正未結
正咸赦除之連年會審矜疑者分別奏讞
敢有以赦前事相告言者以其罪罪之
一內外各衙門見監應決重犯暫免行刑一

年

一免死充軍本因矜疑寬典而致累子孫爲
輕反重及補解清勾祖軍重爲累甲苦累
今後止照萬曆二十五年新例免死充軍
者發烟瘴極邊充軍終身若復逃歸仍坐
以死勾解除嘉靖以後犯罪發遣照舊外
其遠年丁盡者准銷有丁者許告清軍衙
門類題改附近衛所若有丁詐稱盡絕者
坐罪其佃戶女戶不係的派戶丁不得混

行勾解

一問發充軍及編發爲民安置家口除逆黨
強竊盜搶奪人命窩訪指稱騙詐貪淫失
機者不宥外若曾有功而罪可原者准行
放免其素著謀勇年力猶堪驅策者撫按
覈實量用有奉特旨發遣者具奏定奪

一文武官吏軍民人等有因事罰住祿俸糧
米者除奉欽罰不許關外其餘詔書到日
照舊關支有見罰立功運輓運炭運灰納

米拘役枷號罰馬倣正擺站煎鹽炒鐵瞭
哨及充軍伴儀從膳夫等項悉皆放免各
還職役軍職例該帶俸差操者仍不許管
軍管事文職官吏人等有犯贓罪情輕悉
發原籍爲民見被提問該發立功等項者
仍候歸結一體免罪發落

一武職官員有原無贓私爲應干累註誤及
因事忿爭虧枉革職降級者許其奏辯復
因班軍運糧違限叅奏降級者不拘已未

問結各該撫按官查開軍數糧數多少及
所違限期久近分別奏請

一各處運糧官軍原非侵欺偶值風火等項
損失官糧非力所及者許陳告所在官司
勘明具奏儘其家產變賣賠補完足與免
本罪

一武職萬曆二十九年十月以前爲事降調
兩廣等處烟瘴衛所病故不分已未到衛
子孫爲因路遠不能赴所調衛分起文承

皇明詔赦

九

萬曆二十九年

七十二

三十七

襲者許令原衛查明起送承襲帶俸差操
其充終身軍已經開伍回衛年六十以上
者比照爲民事例子孫准其承襲其爲事
降級年六十以上子孫赴部替職者准復
祖職未及六十者止許暫替所降職爲事
立功者許令復職差操與支半俸扣至限
滿全支有限未滿病故者子孫襲職免其
減俸

一凡應襲武職比試違限應該住俸者免其

住俸比試不中應給半俸者准支全俸二年之後起送再比照總小旗因誤併鎗革役者許令起送補併還役

一各邊軍民人等或因犯罪逃入虜中或因搶去遂爲虜用有投歸者咸赦往罪所在官司務加存恤安插如有率歸衆多及眷夷歸附者厚加撫卹仍具奏酌賞錄用

一正犯在逃監禁家屬日久不獲者除叛逆劇賊外其餘悉令保候挨掣有律例不合

事難決斷與人命無屍可簡強盜贓仗不明及年久無贓人犯無証原未成獄及已成獄而累訴冤枉事可矜疑者卽與辯理當奏請者請讞

一各處逃軍逃匠逃囚人等在京限一箇月以裏赴通政司在外限三箇月以裏赴所在官司具首准免逃罪軍還原伍匠仍當匠民放寧家其有解軍之人因違限期間發充軍者放回寧家後不爲例

一在京在外緝獲強竊盜妖言奸細等項問
刑衙門務要從公審確果有冤抑卽與辯
理毋致虧枉

一旌表義夫節婦孝子順孫所以扶植綱常
勸勵風俗政之大政如果事實有司卽申
呈巡按御史勘結奏聞以旌表敢有稽遲
者罪

一儒學生員有親老願告侍親者聽親終復
學其屢舉不第年五十以上願告退閑者

與衣巾終身仍免襍泛差役

一各省直軍民逋負如金花漕折王府祿糧除本年督催全完外其帶徵自萬曆二十年以前量免十分之三其餘夏稅秋糧馬草農桑人丁絲絹布疋絲綿花絨屯田莊田子粒門攤商稅戶口食鹽米鈔諸色課程鹽課魚課官戶等項使用甲丁等車服茶銀硃銅錫等料并各該牧馬草場子粒租銀自萬曆二十年以前已徵在官已經

解戶人等收受者截數起解已經起解者
嚴併批關不許開風中止未徵在官係小
民拖欠者分別蠲免已經徵收而有司侵
沒者事發坐贓論

一各省直賦役創爲條鞭里甲放令歸農此
定例也近聞不才有司條鞭外巧立名色
科索煩重指留里甲城中致妨農務及近
日征倭討拊量有科派加增丁畝丁糧銀
今事寧已久增派如舊各該撫按官嚴行

查究禁革

一各鎮商人攢典侵欺汨壞追贓正犯已故
或親生子孫典同居共爨兄弟監追五年
之外家產盡絕者銀二百兩米豆五百石
草八千束以下者竟自豁免銀三百兩米
豆六百石草一萬束以上者奏請定奪其
餘親族與無干被累者俱准豁免

一內外監追贓犯已及三年別無家業不論
入官給主二百兩以下者竟自開豁以止

酌量奏免

一各省直等處額辦四司料銀段價班匠磚料絲麻柴夫木柴黃麻熟鐵等項折色銀及軍器胖襖弓箭弦條鹿狐皮活鹿天鵝翎毛地租等項本折并額辦白麻生鐵紅生熟銅生膝魚膠桐油銀硃鉛竹水竹斑竹棕毛蒲草麻草等項本色物料自萬曆十六年起至二十年止已徵在官者截數起解未徵在官者果係小民拖欠分別蠲

免

一錦衣衛宣官馬疋原係自己生長不係俵解之數走差疲苦每遇倒死比管操事例責限買補年終又驗印比較累苦餘深除倒死者照常買補外年終止照舊例類造清冊連馬赴寺點驗免給勘合比較

一順天等府州縣寄養馬疋內有發養十年以上衰老疲弱節次兌軍選退不堪負累小民餽養者太僕寺督令各府州縣正官

酌量變價解寺收貯湊補買馬支用

一京營巡捕倒死馬匹應追買補及椿朋等銀除已徵在官照常起解未完者悉與蠲免如將已完者作蠲免侵欺加等治罪

一律載投隱匿姓名文書告言人罪者絞見者卽使燒燬若將送入官司及官司受而爲理者皆有罪被告言者不坐近來風俗專以私揭匿名或虛捏他人姓名陰謀巧計無所不至久不申飭致令四方無籍棍

徒罷閑官吏山人遊客潛住京師出入衙門撥置指使及左道邪術異言異服扇惑挾討是非顛倒紀綱陵夷甚爲政蠹今後緝事衙門不時逐驅訪拏若賍証的確者照奇功事例陞賞

於戲長男主器益綿有道之長衆子分封茂衍無疆之慶敷予德意咸使聞知

萬曆二十九年十月十五日

奉

天承運

皇帝詔曰朕以涼德嗣承丕基永惟大寶難持無時
逸豫賴我

聖母在上所以擁翼冲人者三十年于茲罔極深恩
未知所報茲者定儲分藩寶稟

慈訓既成典禮宜備鴻稱是用祇告

郊

廟

聖明詔赦

九

萬曆二十九年

七十八

六十八

五十二

社稷率文武羣臣奉冊寶加土

聖母慈聖宣文明肅皇太后尊號曰

慈聖宣文明肅貞壽端獻皇太后夫天地難酬日月
難繪豈能紆予一人之深願庶幾啗爾萬國之
歡心爰考彝章

一親郡王年七十以上者賜羊酒幣帛地方
官存問親王八十以上者具奏遣使存問
一應禮儀有衰病不能自行者許子代行
將軍以下年七十以上者各賜米十石絹

十疋庶人量給三分之一

一親郡王嫡母與主母並存者其嫡母許奏請加稱爲太妃生母准授封爲次妃特給誥命親王庶子受封后生母例封夫人將軍中尉受封后生母例封夫淑恭宜安人者果年踰七十奏勘無碍亦准給與誥敕後皆不爲例

一勳臣公侯伯襲封見爵者俱給與應得誥命未領者准補給

一 文官致仕二品以上大臣已有前詔存問
其輔臣家居宜加優禮差官請敕存問

一 兩京文官封蔭恩例前詔斷自十月十五日以前今既遇恩斷自今日以前准依前詔例行其在任候代與見任同行取候命及應選待缺者補授之日一體給與父母見存先已受封其子官職遷轉者服色許與子同前母繼嫡母准照三母例封贈繼妻受封已故者見在繼妻准封

一內外文武職官有淹抑下僚及養病致仕
年力未衰才識可用曾經科道及撫按官
薦舉者該部量才查奏起用

一兩京衙門歷事監生及承差各免歷事二
箇月辦事官一箇月辦事吏二箇月當該
四箇月禮部鑄印局儒士食糧候根及納
銀冠帶見在歷事者各三箇月

一天下儒學生員准于額貢外順天應天二
府學各貢二名在外各學各一名俱于年

深廩膳挨次考選止行一年有挨貢不前并停廩年久不願進取者許遙授儒官其正貢不願仕者開送吏部與七品散官俱免本身雜泛差役

一軍民之家五世以上同居共爨者有司勘實奏聞旌表詔書到日先給羊酒獎勵義夫節婦孝子順孫已經旌表年六十以上者男子冠帶榮身婦人給賜絹帛肉米一節婦旌表例限年三十以內若有苦節異

常者三十五以內至五十歲外有司給扁
獎勵仍給羊酒以示激勸

一軍民有年七十以上者許一丁侍養免其
襍泛差役九十以上者倍之其人若德行
著聞爲鄉里所敬服給與冠帶榮身百歲
者表宅優異

一犯罪存留養親備載明例律近來通不遵
行殊失朝廷優老至意以後凡軍民罪囚
有祖父母父母年八十以上老疾應侍家

無以次成丁者犯該死罪除極惡重情常
赦所不原及奉欽依外若誤殺戲殺誣告
人累死隨行親屬等項及充軍並口外爲
民開具所犯罪名奏請上裁其徒流人犯
照舊曆三年例發本處擺站做工煎鹽瞭
哨俱聽存留養親務勘結明的如納賄扶
同朦朧奏請及任情施行以故出論

一赦宥恩例以今詔下日昧爽以前有犯者
悉依前詔例行其內外見監重犯年七十

以上及篤疾者如係監禁六年以上情罪
矜疑奏請疎放問完罪犯遇恩應宥者卽
行查照發落行勘未報者速催歸結毋致
淹滯果有冤抑應與辯理者酌量情罪奏
請定奪已經發配有可矜疑亦許量情寬
宥但不許將欽依及情真罪當者槩行開
釋以惠奸惡

一國家設兵以備不虞一鎮之兵自足一鎮
之用近來軍餉不減而每遇調發輒稱無

兵俱歸何處詔書到日各督鎮撫按將食
糧冊研加揀選精壯者操練老弱者退俟
虛名冒占者姑饒往罪務令改正清補其
有虛文寒賁有名無人有人無用者憲臣
嚴行繩治賁有所歸

一各邊衛所去府遠處一切茶鹽稅草詞訟
倚辦于管糧府佐責任匪輕不得其人或
賁武職賂遺或索軍民常例攪壞邊事以
後務擇府縣舉人進士正官著有賢聲者

陞補不許將始進及歲貢監生汎濫除授
一今後撫按官劾到官員有犯贓人命吏部
擇其尤甚者覆行提問追贓償命不許槩
擬爲民間住亦不許將有贓仍擬不謹不
謹仍擬改調贓銀照嘉靖四十五年例年
終另解戶部以資遣餉

一撫按訪察往往連及無辜止可開行不宜
常行該部院仍申明禁約其衙門積年亦
止懲治本犯毋許牽累多人各官有能拏

發本衙門弊役者宜作功論紀錄毋得反
事苛求指爲瑕疵致其扶同護短縱奸叢
孽

一各衙門舉劾務照職掌不得仍前泛采虛
名無益徵勸其舊不舉劾衙門與所舉員
數不許任意濫增

一各衙門有署印候代等官不分大小內外
俱要着實任事與真授見任同有功一例
敘賞有罪一例降罰不許以權管護印爲

辭推誘支吾致誤公事違者該部院科道
撫按等官從實叅處

一萬曆二十年以前修倉軍夫月米納價雇
工致米泔爛虧折遺累衛官扣俸追比年
久未完者准行豁免

一萬曆二十年以前凡各省直外解錢糧係
攬頭解戶侵欺及鋪商領過預支花費難
完已經變產盡絕叅問明白正犯或已監
故或已發遣家屬代爲監追者准與豁免

一近京涿州房山良鄉天津玉田豐潤及山東山西等處漸開水田往往既墾成塾被勢豪及經管地主混占峇奪以致人心不固地利不開今後勢豪再有混占許被害奏告重處地主如未受價止許改正根站並斷荒地價直永令開墾之人就產立籍管業所在官司能加意勞來開墾數多果有成績別無虛捏情弊者撫按官具奏優敘

一各省直有漭下地土或山水冲塌不常原
經開除錢糧又復首報納糧查果賠累者
如已徵在官作正存留支用未徵及拖欠
者悉與開豁

一南北直隸浙江陝西河南山東山西輪班
人匠年六十五歲以上別無以次人丁替
役者免其辦納匠價丁盡者所司勘明類
奏除豁

一鰥寡孤獨及廢疾無依者有司照例存恤

勿令失所見在養濟院者各給米三斗布
一疋肉二斤京城粥廠弊竇多端窮人不
沾實惠巡城御史訪有剋落買賣等棍着
實拏治

於戲慶源遠濟昭百代之德音遲惠旁流鄙八
方之徯志布告遐邇咸使聞知

萬曆二十九年十月三十日

奉

天承運

皇帝詔曰朕惟自古帝王祈

天永命咸曰子子孫孫至於萬年蓋中命川休惟此

爲大朕以眇躬嗣登大寶三十三年於茲矣倦

惟國本至重懋建元良具舉婚儀廣生綿緒恭

荷

皇穹純祐

列聖厚培以今年十一月十四日皇太子第一子生

皇明詔赦

九

八

萬曆三十三年

八十六

五

係欽命選侍王氏山克昌祚胤朕心載寧上膺聖母之徽懷下發臣民之悅懌宜宣德惠以光典彝所有條頒開列于後

一自萬曆三十三年十二月十五日昧爽以前官吏軍民人等有犯除謀及叛逆子孫謀殺祖父母父母妻妾殺夫奴婢殺家長殺一家非死罪三人採生折割人詠殺故殺蠱毒魘魅毒藥殺人強盜人命十惡至死罪者及永遠充軍并欽依人犯不赦外

其餘已發覺未發覺已結正未結正罪無
大小咸赦除之敢有以赦前事相告言者
以其罪罪之

一王府宗枝日繁祿米歲增民間地畝所出
有限兼以有司徵解往往先儘別項緩視
宗糧以致節年拖逋養贍不周深爲可憫
詔書到日撫按官各將境內宗祿及坐派
民糧額數通融計算嚴行設法徵給如有
不敷仍酌議裒益通變事宜奏聞朝廷區

處通限半年以稟奏報母得親爲故常致使貧難失所有孤親親之意

一開宗室入仕之例與海內賢才比肩而進分祿而食親親賢賢此意甚美業有明旨未見遵行自今有王府省分宗學子弟入試與生員一體編號但有中式卽行登榜不許引嫌遺棄違者監試官叅處

一宗室子女應請名選婚者該府卽與具奏承奉長史等官不許抑勒

一鳳陽高墻底人已故所遺子孫妻妾撫按
官查明奏請釋放其節年越關赴京遞回
閑宅拘住者如止係請乞奏辯別無違碍
亦准釋放

一公侯駙馬伯并內外文武官員旗士人等
有因過誤罰住祿米俸糧者准照舊開支
一兩京三品以上文官例該廕子前給者准
照今階選用已給未出仕者照例與補在
任未及三年考滿者准廕一子入監讀書

一兩京文職官員署職試職俱准實授其先經考選起復散館各候補科道者俱填補實授候考選者卽考選授職科道官年資最深曾經擬陞者卽與敘陞兩京科道甚缺着照舊例行取考選充用其候補部屬及起復等官已到部者有缺填補無缺添註見任官淹滯殊多查郎中歷俸七八年以上應陞外任者擬與應得職銜授補員外主事六年以上應陞本部者陞職管事

俱卽題行

一在外司道知府官員多缺署攝官展布爲難事多廢弛先經部擬補用者照缺與補布政司正官有再考稱職可內轉者與陞轉俱卽題行

一内外文職官有養病致仕及降謫罷閑等項除考察去任及永不敘用外其餘年力未衰才識可用曾經科道及撫按官舉薦者吏部查奏分別起用詿誤拘逮者釋放

爲民爲民者與冠帶閑住冠帶閑住者與致仕

一凡文武官員曾經敘功勩履題允見今赴部題補者該部查照原擬衙門題行到任管事

一兩京各營見任操備武職係部推欽點四品以上署職見遇頒詔者准依萬曆二十九年例實授仍支署職俸糧如遇推陞亦止前署職遞加

一軍職萬曆三十三年十一月以前爲事降
調兩廣等處烟瘴衛所病故不分已未到
衛子孫爲因路遠不能赴所調衛分起文
承襲者許令原衛起送承襲帶俸差操其
終身軍已經開伍回衛年六十以上者比
照爲民事例子孫准其承襲其爲事降級
年六十以上有子孫赴部替職者准復祖
職未及六十者止許暫替所降職事爲事
立功者許令復職差操與支半俸扣至限

滿全支有限未滿病故者子孫襲職免其減俸

一凡應襲武職比試遲限應該住俸者免其住俸比試不中應給半俸者准支全俸俟二年之後起送再比總小旗因誤併鎗革役者該衛所查無別碍不論年月久近許令起送補併還役

一侍衛東官管領指揮等官量加職銜其帶刀控馬舍人并隨侍大漢將軍二十八名

俱令冠帶

一兩京各衙門歷事監生及承差各免歷事
二箇月辦事官一箇月辦事吏二箇月當
該吏四箇月禮部鑄印局儒士食糧候糧
及納銀冠帶見在歷事者各免三箇月工
部各工效勞員役曾經題敘者一體查敘
一近年四方災報頻仍民困日久一應夏稅
秋糧馬草農桑人丁絲絹布疋綿花絨戶
口鹽鈔皇莊子粒屯田牧馬新增草場子

粒租銀曆日防夫水夫民壯弓兵機戶蘆
課富戶等項及諸色課程門攤商稅魚課
棗株鈔貫果品拖欠帶徵者自萬曆二十
八年以前悉與蠲免其順天及北直隸八
府連歲重災比他省直多蠲一年以恤畿
輔重地

一萬曆三十四年天下稅糧除起運外其存
留者准免十分之二以蘇民困鄰河省直
州縣節年煩費苦累准特免十分之五其

免過錢糧有必不可少者於合府內通融
措處

一稅契銀兩原有舊制近因國用缺乏申飭
徵解有司奉行不善重叠徵收着各遵舊
例隨南北地方照畝照銀徵收解部不得
重徵擾民并虧國課

一頻年徵播徵倭煩費百姓一應錢糧有因
軍興加派者撫按官查明盡行停免

一邇來民困極矣地方有司不能悉力撫綏

皇明詔赦

九

萬曆三十三年

九十二

六

分別侵漁有僉報富民義民借以供應者
有派當庫役斗級累年賠苦者有差遣省
祭義官經歲奔走者有三名行戶鋪戶虧
折價值者有於罪贖之外橫肆科罰多至
十石百石者有於條鞭之外立小條鞭火
耗之外復加秤頭任意乾沒者詔書到日
一切禁革撫按官嚴督所司刊榜曉諭如
違查叅重處該部科有聞卽行叅奏

一各府州縣官及衛所掌印管屯官催徵錢

糧完不及數及積穀不及數住俸者俱准
開復補支降俸者復俸不補支降級及立
功調衛者撫按官通查分數奏請定奪如
係軍人拖欠照帶徵民糧年限一體蠲免
京衛仍准多蠲一年

一天下各鹽運司鹽課司提舉司自萬曆二
十八年以前拖欠額課除已徵在官者盡
數起解如係商人輸納不前以致拖欠悉
准蠲免其因防倭征播加派新增浮課盡

累商民除之

一各鈔關先因倭餉增稅致難充額准將新增銀數免其徵解

一京城內外居民比歲雨潦倒損冲壞田房數多未盡修復其房號准免三箇月

一廣東珠池採取多年屢據撫按官奏報蜃蚌日虛不宜竭澤詔到之日卽便封閉原差內官李敬馳驛回京原衙門應役其雲南寶井干涉夷方軍情遠人易亂難安今

礦洞既閉着一體停止勿採

一各處解部贓罰近因數稍加增以致搜掣
土豪積役株連多人故入人罪因而所在
窩訪通家乘機中傷廣開騙局此近日地
方一大害也自萬曆三十四年爲始撫按
等官贓罰都着查照舊數解部一切新增
盡行停止若非大奸巨蠹聽從告發究治
不許輒行訪掣如有撫按在任被論謝事
候代及事故者原無問理致令新任處解

未免煩擾悉准停免

一兩廣川貴福建等處地方遼遠起解內庫銅錫蠟茶硃漆等項到京屢被包侵勒捐以致解官久稽賠累多斃杖獄情實可矜該部通查本色錢糧非本地土產或可改折色者酌議奏請其各處解官及引商花費前項錢糧如正犯監故家屬監追日久已經變產盡絕者准與豁免

一生員及俊秀子弟有納粟入監者准予萬

曆三十四年分照近例減銀二十兩一年
停止

一侵欠還官銀兩情重數多例不應免其正
犯已經監故正法拘禁家屬年久產盡者
及各項追贓人犯有係查盤坐侵訪察坐
入風聞叅論原無証據者或正犯已故監
併家屬累及親族者備細查明分別年月
久近贓數多寡酌量題豁

一沿邊沿海倉場官攢商人守支糧料草束

五年之外查盤浥爛虧折不係正數不分
正犯家屬軍罪以上開具奏請徒罪以下
俱准免追釋放

一浙江等總運糧官員有因漂流挂欠監追
五年之上產盡或身故者子孫准其襲替
照例扣俸還官如係侵盜正犯奏請定奪
其違限註誤及中都等處違悞領班各題
叅住俸降俸降級立功者准與查復宥免
一畿內各府州縣節年寄養馬匹有瘦弱不

堪者負累小民餒養各掌印官即使勘實
呈報該寺照依時估變價解寺貯庫其節
年倒死勘無作踐情弊准免賠補

一京營并在外各管騎操及苑僕孳牧馬匹
倒失被盜應追買補樁贓等銀除已徵在
官截數起解外其萬曆三十三年十一月
以前未完俱准蠲免

一南北直隸山東河南各府州縣應徵萬曆
三十四年牧馬草場子粒餘地租銀俱量

免十分之二其備用馬匹除本色外萬曆三十四年派徵折色者每匹價銀免四分之一其三十四年派徵本色者于三十五年折色內亦免四分之一

一近來驛遞疲困支應不給馬戶僕夫往往逃亡各省直撫按官行查地方冲僻煩簡將原額站銀酌量增加其偏僻處所有支剩銀兩務令通融協濟仍照節年中飭事例嚴查應付各該衙門毋得徇情濫給勘

合牌票如有多乘驛馬廣用人夫勒要銀
兩擅用金鼓分外需索及夾帶騷擾等項
撫按官指實叅來近今礦稅已清各監空
嚴加約束叅隨人等毋許故違有犯如違
一體拏問叅處

一國家設兵以備不虞一鎮之兵凡以備一
鎮之用近來軍餉不減而每遇調發輒稱
無兵俱歸何處各鎮總督撫按將食糧文
冊嚴加揀選精壯者操練老弱者汰換虛

名冒占者俱宥往罪其有虛文塞責漫無實用者指名從重叅究

一充軍充徒并編發口外爲民及遷徙安置人犯已到配所者軍除永遠爲民遷徙安置人除謀叛逆黨強竊盜賊人命窩訪指稱打點夤緣鑽刺貪淫失機外其餘罪有可原及年七十以上者悉准放回原籍原衛寧家隨住

一免死充軍本矜疑寬典而致累子孫爲輕

反重仍照萬曆二十五年新例免死充軍者發烟瘴極邊衛分充軍終身不許赦宥若復逃歸仍坐以死

一寧夏朝鮮播州雲貴兩廣連年用兵戮自外起乃朝廷不得已之役今蕩平已久屢加赦宥念當時諸務叢沓文武將吏軍民人等有因此獲罪或死或黜或繫或戍或及妻孥未被恩澤該部分別查明死者優恤黜降者議處繫者戍者宥還末減釋放

以昭浩蕩之恩

一今歲熟審情可矜疑人犯卽照新例發遣
有詞再問篤疾釋放

一內外監追贓犯已及三年別無家產不論
入官給主二百兩以下者竟自開豁

一侵盜係官錢糧問擬永遠充軍若所侵贓
銀在三箇月以裏盡數通完者准辯豁

一浙江直隸蘇松常鎮等處拖欠綾紗歲段
錢糧自二十三年以前如已徵在官機戶

領侵者嚴追織解果本犯已故及監迫年
遠家產盡絕無從變賣者聽撫按勘明議
免俱類冊奏請定奪

一各省直拖欠四司料銀匠價鹿狐皮翎毛
天鵝蒜麻氈料葦課黃麻熟鐵等料折色
銀及額辦白麻生鐵紅生熟銅生漆魚膠
桐油銀硃猫水斑竹棕毛樹棕等項本色
物料自二十一年起至二十五年止已徵
辦在官截數起解未徵在官果係小民拖

欠者悉行蠲免

一內外遠年在工人役曾經侵犯贓私監追
十年以上未得完贖查果家產盡絕行原
問衙門照擬定罪名發遣原侵贓私悉准
豁免其有聽信誘哄希圖赴工侵剋妄奏
審虛監候年久未經處分者悉送法司分
別問擬發落

於戲元子元孫協震符而海瑞永年永世流解
澤以凝祥詔告萬方咸宜知悉

萬曆三十三年十二月

奉

天承運

皇帝詔曰朕以

聖母違和日夜問視竭誠祈禱願移肯於眇躬恭承
慈諭內外輕罪宜與赦除災傷錢糧量行蠲免朕方

詔所司奉行

德意而

仙馭遽昇

徽音遂邇仰追

遺訓益愴于懷爰沛非時之恩用慰

在天之念所有條款開列于後

一自萬曆四十二年二月初九日昧爽以前
官吏軍民人等有犯除十惡至死與詐傳
詔旨交結近侍通夷失機強盜人命及侵
盜御服邊腹倉庫漕運沒官錢糧并貪酷
枉法逆黨左道不赦外其餘情罪可原及
徒流以下輕罪酌量釋放

一內外問刑衙門有因正犯在逃監禁家屬

日久不獲者除叛逆劇賊外其餘悉令保候挨挈有情罪矜疑律例不合者着各該衙門卽與辯理奏請定奪其人命無屍可檢強盜贓仗不明及年久無贓人犯無証具題未下原問衙門未成獄者卽比照熱審事例清查釋放

一內外問刑衙門無論文武職官有犯曾經撫按問明具題覆請未下者查照原議發落其餘正犯已故累及子孫者酌量開釋

有因建言內除永不敘用外有謫戍者着
各該撫按官具奏開釋革職爲民曾經奏
薦數次堪用的准起知縣若奉旨降黜部
覆未下的着查照原擬用還都開寫奏請
不許市恩濫及

一內外監追贓犯已及三年別無家產不論
入官給主二百兩以下者徑自開豁以上
酌量奏免

一內外見監重犯年七十以上及篤疾者如

係監六年以上情罪矜疑奏請踈放問完
罪犯遇恩應宥者卽行查照發落

一犯罪存留養親備載名律例凡軍民罪囚
有祖父母父母年八十以上老疾應倚家
無以次成丁者犯該死罪除極惡重情常
赦所不原及奉欽依外若誤殺戲殺誣告
人累死隨行親屬等項開具所犯情由奏
請定奪其徒流人犯照萬曆三年例發本
處擺站做工煎鹽瞭哨以便存留養親務

勘結明的不許納賄扶同任情朦朧混行違者以故出論

一四十年四十一年兩次朝審矜疑等項人犯淹繫日久俱照原議奏請發遣發落

一楚府宗室先因誣詆楚王毆殺巡撫已將情罪深重者正法其餘發高牆閑宅者禁錮日久懲創亦深念係天潢之派姑准釋放仍聽楚王鈐束不得仍前恣肆如不悛改叅來重治其各府禁錮宗室除人命強

盜敗倫傷化情真罪當不赦外其餘着撫按官查明奏請定奪

一錦衣衛見監囚犯俱開寫明白奏請定奪
一各省直災傷之處自四十一年以前有該撫按勘奏到部內除京邊起運及請帑外其餘應蠲應折應賑等項事宜俱照部覆用昭優恤

一凡被災地方一應夏稅秋糧馬草農桑人丁絲絹馬疋棉花絨戶口鹽鈔皇莊子粒

屯田牧馬新增草場子粒租銀曆日防夫
水夫民壯弓兵機戶蘆課灶課富戶等項
及門攤商稅魚課棗株鈔貫果品拖欠帶
徵者自二十九年_起三十四年止查係小
民拖欠者悉與蠲免其已徵在官及經解
員役侵剋者照舊起解_{鹽井}有課無井者
着撫按官議豁先年征倭征播加派錢糧
曾奉詔書停免者各撫按官查明但不係
改作起運京邊正項着遵前詔蠲除不得

抗違

一京城內外民居比歲雨潦衝壞未盡修復
准免房號四箇月廊店房屋倒塌者查明
免租以前拖欠者悉與蠲免

一各運司浮課除二十四年免過外惟河東
兩浙運鹽長蘆過路落地生熟鹽等稅因
累商民各該巡鹽御史具奏及本部題覆
過者俱准蠲免

一近京零星重叠小稅准與歸併以省煩擾

應免者豁免

一各省直拖欠四司料銀匹價鹿狐皮翎毛
天鵞蒜麻磚料葦課黃麻熟鐵等料折銀
及額辦白麻生鐵熟銅生漆魚膠桐油銀
硃猶竹斑竹棕毛樹棕等項本色物料自
二十六年起三十四年止已徵在官者截
數起解未徵在官果係小民拖欠者悉行
蠲免

一浙江江西湖廣福建直隸蘇松常鎮等處

拖欠綾紗紙割歲段油竹等項錢糧自三十四年以前如已徵在官機解領侵者嚴追織解如本犯監故丁產盡絕無從變賣及有中途火盜原取地方結狀存証者俱聽撫按勘明議免其未徵在官委係小民拖欠者查明蠲免俱類冊奏請定奪

一各省額進稅課每年以三分爲率蠲免一分以蘇民困其二分照舊徵收分解進用接濟急需待三殿工有次第卽行停止

一各省直解官解戶侵費領本折錢糧并漂
流燒燬及在工人役侵犯贓私除正犯監
故外家屬代追五年以上勸果家

或原問衙門具有文移到部查明者俱准
豁免

於戲孝惟錫類普天沾雨露之恩善則稱

親薄海頌

慈雲之庇布告中外咸使聞知

萬曆四十二年 月 日

奉

天承運

皇帝詔曰朕惟禮先報本難酬罔極之恩孝大尊親
式渙基隆之號代存成憲典合輿情欽惟我
皇妣大行慈聖宣文明肅貞壽端獻恭熹皇太后

毓秀陰精

冥心玄宰

含弘光大羣品賴以資生

恭儉慈仁六宮因之從化風承

皇明前朝
皇考嗣啓冲人

敬戒不忘

劬勞靡替

教自家而刑國四十年入平之業在藉

鴻庥

謀詒子以及孫億萬載有道之長咸憑

燕翼方舉稀齡之慶遽興大耋之嗟愛日有懷慕

更深於五十額天無計恨莫贖於百身

遺詔甫頒悵

音容之已隔

餘微尚在景

模範以難名特命禮官恪遵舊制博諮於衆勿爽
其真擬

儼極之尊稱盛美光昭琬琰揚

配天之顯烈哀榮徧洽塋垓卜以二月二十八日

祇告

天地

宗廟

皇明詔赦

九

八

萬曆四十二年

社稷恭上

皇妣尊謚曰

孝定貞純欽仁端肅弼天祚聖皇太后於戲
璇宮既闕薦遐祉於九京

寶冊常新播休聲於萬禩布告中外悉使聞知

萬曆四十二年四月 日

奉

天承運

皇帝詔曰朕以冲齡繼承大統君臨海內四十八載
於茲享國最長夫復何憾念朕嗣服之初兢兢
化理期無負

先帝付托比緣多病靜攝卅年

郊廟弗躬朝講稀御封章多滯寮案半空以礦稅煩
興征調四出民生日蹙遘釁漸開夙夜思惟不
勝追悔方圖改轍嘉與天下維新而並疾彌留

殆不可起蓋愆補過允賴後人皇太子聰明仁
孝睿智夙成宜嗣皇帝位尚其修身勤政親賢
納諫以永弘圖皇長孫宜及時冊立進學瑞王
惠王桂王各擇善地令早就藩封大小臣工務
協恭和衷輔理嗣君保乂王室是皆朕惓惓之
至意也內閣輔臣亟爲簡任卿貳大僚盡行推
補兩咨考選并散館科道官俱令授職建言廢
棄及礦稅誣誤諸臣酌量起用一切權稅并新
增織造燒造等項悉皆停止各衙門見監人犯

俱送法司查審應釋者釋放束師缺餉宜多發
內帑以助軍需陣亡將士速加卹錄喪禮遵舊
制以日易月二十七日釋服毋禁民間音樂嫁
娶宗室親王藩屏爲重毋得輒離本國各處總
督鎮遼三司官地方攸係不許擅去職守聞喪
之日止於本處哭臨二日進行差官代行衛所
府州縣土官俱免進香訃告天下咸使聞知

萬曆四十八年七月

日